

Broj: 101- 2943/19 DŽS *AS*.

Zenica, 15.02.2019. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-2941-1/19 DŽS od 15.02.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o poništenju postupka za nabavku usluga mobilnog interneta

I

Poništava se postupak javne nabavke nabavku usluga mobilnog interneta, iz razloga što nijedna dostavljena ponuda nije prihvatljiva za Ugovorni organ-član 69. stav 2, tačka d, Zakona o javnim nabavkama BiH.

II

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

III

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

IV

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-1308/19 BS od 25.01.2019. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 24 mjeseca.

Procijenjena vrijednost javne nabavke bez uračunatog PDV-a je 11.235,00 KM.

Dana 28.01.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-36-3-10/19 objavljena je i tenderska dokumentacija.

Poziv za preuzimanje tenderske dokumentacije broj: 713-1308-2/19 BS od 28.01.2019. godine upućen je sljedećim ponuđačima:

1. BH Telecom d.d. Sarajevo
2. M:tel a.d. Banja Luka
3. JP Hrvatske telekomunikacije d.d. Mostar

Na osnovu Izvještaja o preuzimanju tenderske dokumentacije od strane ponuđača od 15.02.2019. godine u 10:41 sati, utvrđeno je da su sljedeći ponuđači preuzeli tendersku dokumentaciju:

1. Ekapija d.o.o.
2. BBS Europe
3. MTEL a.d. Banja Luka
4. BH Telecom d.d.-Regionalna direkcija Zenica
5. JP Hrvatske telekomunikacije d.d.
6. Dasto Semtel d.o.o.
7. Agencija za tehničku i fizičku zaštitu Middle Point Electronics d.o.o.

Rok za dostavljanje ponuda je bio 11.02.2019. godine do 13:00 sati.

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 15.02.2019. godine direktoru preduzeća dostavila Zapisnik o ocjeni ponuda broj: 716-2941/19 DŽS od 15.02.2019. godine i Preporuku o poništenju postupka broj: 716-2941-1/19 DŽS od 15.02.2019. godine, u postupku javne nabavke za nabavku usluga mobilnog interneta.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno 7 (sedam) ponuđača je preuzelo tendersku dokumentaciju sa Portala javnih nabavki

Dana 11.02.2019. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji.

Komisija je izvršila i provjeru računske ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 716-2941/19 DŽS od 15.02.2019. godine i provjerom sadržaja i validnosti dokumentacije, utvrdila sljedeće:

Uvidom u priloženu dokumentaciju konkurentskog zahtjeva za dostavu ponuda broj: 713-1308-1/19 BS za nabavku usluga mobilnog interneta, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđač MTEL a.d. Banja Luka nije dostavio ispunjeni obrazac Aneks 2, kako je traženo tačkom 2.c tenderske dokumentacije. Iz gore navedenog razloga ponuda ponuđača MTEL a.d. Banja Luka se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač BH Telecom d.d. Sarajevo - Direkcija Zenica je dostavio pogrešno slovima napisanu cijenu ponude. Cijena ponude upisana slovima ne odgovara jediničnim cijenama, koje se ne mogu mijenjati, tj. ne može se tražiti ispravka računске greške. Cijena ponude za 36,32 % prelazi procijenjenu vrijednost usluge. Iz gore navedenog razloga ponuda ponuđača BH Telecom d.d. Sarajevo-Direkcija Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Shodno prethodno navedenom, Komisija je dala Preporuku da se poništi postupak za nabavku usluga mobilnog interneta jer nije primljena nijedna prihvatljiva ponuda za Ugovorni organ.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 32. i člana 69., stav 2., tačka (d). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Direktor:


Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Viši stručni sar. za IT iKS (Muhić)
- 3 x Članovima Komisije
- 1 x Sekretar Komisije
- 1 x a/a